

CNS6931

U GB 27-02 00160 BA439

bah

Negara - Mahathir

KUALA LUMPUR, 27 Feb (Bernama) -- Cara terbaik untuk menghapuskan amalan fitnah ialah dengan menyemaikan sifat benci terhadap perbuatan itu di kalangan masyarakat, kata Datuk Seri Dr Mahathir Mohamad di Dewan Negara hari ini.

Perdana Menteri berkata sejauh mana tindakan undang-undang berhasil dalam usaha membanteras perbuatan itu bergantung kepada penilaian terhadap fitnah dalam sistem perundangan.

+Jika fitnah dipandang ringan dan mereka yang melempar fitnah tidak dihukum dengan setimpal, maka fitnah tentulah berleluasa,+ katanya semasa menjawab soalan Senator Dr Nordin Selat.

Menurutnya, kerajaan mempunyai dasar yang tegas terhadap penyebaran fitnah seperti mengambil tindakan undang-undang terhadap pencetak, penerbit, penyunting dan penulis berita di bawah Akta Mesin Cetak dan Penerbitan 1984 (pindaan) 1987.

Ketika ditanya oleh Senator Hassan Harun sama ada kerajaan boleh meminda Akta berkenaan bagi menjamin keberkesannya, Perdana Menteri berkata, langkah meminda undang-undang tidak memadai selagi masyarakat tidak memandang berat terhadap gejala tersebut. -- Lagi

♥27/02/16-54MST

U GB 27-02 00114 BA440

bah

Negara - Mahathir 2 Kuala Lumpur

Datuk Seri Dr Mahathir, yang juga Menteri Dalam Negeri berkata, berbeza dengan jenayah yang berkaitan dengan dadah yang mudah ditentukan kesalahannya, jenayah fitnah sukar dinilai kesalahannya.

Katanya, sesiapa yang menerima surat-surat fitnah, boleh mengambil tindakan mahkamah terhadap pengirimnya.

Kepada soalan tambahan Senator Hajah Salbiah Mohamed Akim, beliau berkata, si penerima surat fitnah boleh mengemukakan saman malu terhadap si pengirimnya.

Bagaimanapun, katanya, adalah tidak mudah untuk menyakinkan mahkamah bahawa surat-surat yang diterima itu adalah fitnah.

+Fitnah turut dilemparkan kepada kerajaan dan kakitangan kerajaan, tetapi kita tidak mengambil tindakan dan menyerahkan kepada penilaian masyarakat,+ katanya. -- Lagi

♥27/02/16-55MST

CNS6935

U GB 27-02 00104 BA441

bah

Negara - Mahathir 3 Kuala Lumpur

Menjawab soalan tambahan Senator Mustafa Awang, beliau berkata Kementerian Dalam Negeri tidak mempunyai jumlah sebenar buku-buku fitnah yang terdapat di pasaran.

+Selagi masyarakat masih dipenuhi dengan orang-orang yang bercakap mengenai Islam tetapi tindakannya tidak mengikut lunas-lunas Islam, selagi itulah fitnah tidak dapat dibendung,+ katanya.

Beliau berkata fitnah adalah sesuatu perbuatan terkutuk kerana ia boleh merosakkan seseorang individu, memecahbelahkan keluarga dan masyarakat serta merosakkan negara.

Katanya, fitnah merupakan perbuatan berniat jahat yang timbul akibat pegangan kepada nilai-nilai yang buruk yang tidak mengutamakan kebaikan dan ketenteraman. -- Bernama

♥27/02/16-55MST